



Crésia de Santa Maria Egíziaca

Sa crésia de Santa Maria Egíziaca, o de su Santu Interru, connota fintzas cumentis sa crésia de Santa Matzia, s'agatat in su tzentru abbitau de Gésturi; mancai pitichedda, tenit un'importu mannu po is ritus chi ddoi faint, e fintzas po s'architettura.

S'afaciada, simpli, a forma cuadrada, cun unu campanili a vela a duus arcus in pitzus, tenit cincus iscaleris e unu portali decorau cun disínnius de facis e matedu.

A dereta s'agatat su surcu chi at lassau sa funi chi impreant po sonai sa campana, a testimoniai chi sa crésia dda ant impreada de tempus meda.

S'edifftziu religiosu, aintru, tenit una navada isceti e duas campadas, una a dónnia parti, arcus a mesu circu puntudu, culunnas e capitellus cun decoratzionis de ispigas, facis e un'iscritzioni, "1680", posta in un'istemma, chi fait pentzai chi custa iat a podi èssiri sa data de nàscida de sa crésia.

In s'intrada ddoi est s'acuasanteru de pedra a duus barcilis.

S'artari majori est dedicau a su Santugristu, e s'agatat in una posidura unu pagu prus in artu de su pomentu, cun sa cona de su Cristu posta in un'inníciu, de aundi dda podint ispostai; imbecis is àteras decoratzionis, est a narri is immàginis de is cunfraris, funt pintadas in s'istruutura de linna.

In su tímpanu ddoi est pintau Santu Marcello Paba, su primmu Paba a pustis de is pressighidas de Diocleziano in su 309 a.C..

In sa Capella de dereta ddoi est s'artari dedicau a Santa Maria Egíziaca, un'òbera de linna cun culunneddas atrotoxadadas, decoradas cun carriadroxas de bidi; a is alas tenit figuras de féminas. In sa de manca imbecis ddoi at un'artari de pedra, cun un'inníciu de linna iscrafeddau, cun s'istàtua de

Santu Nazarenu e unas cantu àteras istàtuas cument'e sa de Santa Vitoria e Santu Marcello Paba. In prus, aintru de sa crésia si podint biri unas cantu “istàtuas bistias”, est a narri una genia de istàtuas chi, a segundu de is afestamentus, ddas bistint de manera differenti: una forma de devotzioni, custa, antiga meda.

Si ndi boleis isciri de prus in pitzus de is monumentus de Gésturi, e po abarrai informaus cun is nobas de su Comune, podeis bisitai su situ uffiziali:

- <https://www.comune.gesturi.su.it/>

SA MARMIDDA CHISTIONAT IN SARDU - Progetu finanziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.